

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXX. Occurritur argumentis in contrarium, casusque notabiles
resolvuntur.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

„clefistica, inde accipiens quod sibi videtur
„bonâ fide expedire, non peccat mortaliter,
„etiam si forte aliquid plus in suos usus con-
„vertat, quam oporteat, (modo non sit mul-
„tus excessus, ut infra), talia enim, quia in
„singularibus est eorum judicium, non po-
„sunt per omnimodam certitudinem definiri.
„Unde si non sit multis excessus, potest com-
„pati bonam fidem dispensatoris. Si vero
„multus excessus fiat, non potest latere: &
„ita non potest cum bona fide dispensatoris
„hoc agi. Si autem non conservet bonam
fidem in dispensando, peccat mortaliter.

298 Sanctus Carolus Borromaeus cum Con-
cilio Mediolanensi I. posteaquam Clericos,
quorum tenuis sunt reditus, sic exhortatus
est: *Alienis necessitatibus subveniat, & pauperibus opitulemini*: eos qui pinguiora possident
beneficia sic alloquitor: *Christi visceribus substantiam Ecclesiasticam erogate, pauperibus scilicet, peregrinis, viuis, pupillis, agrotis, in vincula concessis, captiuis, quibus egenitibus, & esurientibus cum subvenire possitis, si alimenta necessaria denegatis, violate charitatis rei eis in conspectu Domini. Memores effloris ejus quod à sanctissimo Patre Ambroso scriptum est: sua fideles eo animo obtulisse Ecclesia Ministris, ut per eorum manus, quorum fidei... omnia tribuebam, ad pauperes pervenirent. Vos item alii, quicumque eis, quorum fidei Christi patrimonium propriè ad divini cultus, pauperumque usum commissum est, cavete, ne ambitione, aut cupiditate prolapsi, in aliud, quam cui addictum est, convertatis, & proprieà sacrilegii rei, damnationem aeternam subeat.*

299 4° probatur assertio: quia superflua pro-
uentum Ecclesiasticorum, vel in luxum,
vel in consanguineos (non pauperes) vel in
alios profanos usus expendere, vel timide
reservare, est contra finem ab Ecclesia in-
tentum, in prouentum illorum institutio-
ne, corundemque facta Clericis attributio-
ne. Est etiam contra primarium finem in-
tentum à Christi fidelibus, in facultatum
suarum facta Ecclesiis collatione. Siquidem
fideles, Dei ardore & amore succensi, ob ani-
marum suarum remedium, & celsis patrie de-
siderium, suis propriis facultatibus sanctam lo-
cupletem fecerunt Ecclesiam, ut his & milites
Christi alerentur, & Ecclesi exornarentur,
pauperes recrearentur, & capivi pro temporum
opportunitate redimerentur. Verba sunt Con-
ciliu Aquisgranensis I. cap. 16. Similiter lo-
quitur S. Petrus Damianus I. 4. epist. 12.
Ecclesia (inquit Leo X. Constitut. 7.) ex
facultatibus illis prouentus Ecclesiasticos in-
stituit, & Clericis attribuit, ut inde Clerici
sustententur, & qua superfunt, in sanctis & piis
operibus exponantur. Vel, ut qui beneficium
habet, possit ex eis vivere honeste, pro suo or-
dine, simulque queat sustinere impensas pro di-
vino cultu, & templi sacrarumque adiutorum
reparatione, & quod reliquum est, impendat in

pios usus, ut dixerant Cardinales & Praelati
sub Paulo III. congregati. Et ideo sanctorum
Canonum decretis statutum est, & sanctorum
Patrum testimonis celebratum, ut que
bona fidelium pieas Deo consecravit, ea vel
illorum necessitatibus honeste sublevandis, qui
divinis dicati obsequiis, Christi ministri, &
dispensatores mysteriorum Dei effecti essent; vel
Ecclesiis reficiendis, earumque ornamentis ad
divinum cultum necessariis comparandis, vel
panperibus sustentandis addicta essent. Siquidem
ubi primum Ecclesia bona esse cuperunt, eam
naturam & conditionem consecuta sunt, ut in
alium quam sacrum & pium usum eorum fru-
ctus converti nefas esset. Concilium Medio-
lanense I. sub S. Carolo Borromeo tit. 63.
Igitur bona illa in luxus, consanguineos,
vel alios non pios usus expendere, magna
inordinatio est.

Enimvero quisquis considerat, ea quæ ultima
Clericorum sustentationem, Ecclesi-
rum reparacionem & ornatum supersunt, ef-
fecte vota fidelium, pretia peccatorum, patrimo-
nia pauperum. Urbanus Papa suprà, Patri-
monium Iesu Christi, cap. cum secundum de
præbendis. Patrimonium Crucifixi. Extravag.
Salvator de præbend. Res Dei. Tridentum
suprà: non potest statim non videre magnam
inordinacionem in eo quod ex rebus Dei, pa-
trimonio Crucifixi, votis fidelium, pretis
peccatorum, patrimonii pauperum, Cleri-
cus luxurietur, superbiat, consanguineos
suos locupletet, in aliosque usus profanos ea
disperget. Cum valde iniquum sit, ea que
collata sunt pro remedio peccatorum venera-
bilibus Ecclesi, vel relicta, alii usus quam
pis applicari. cap. conqueritus de foro compet.

CAPUT XXX.

Occurritur argumentis in contrarium, casu-
que notabiles resolvuntur.

O Bjicies 1°. Clerici sunt domini totius portionis fructuum beneficii sui. Ergo
de iis pro libitu disponere possunt.

Respondeo vel antecedens esse negandum,
cum gravissimis Doctoribus (quibus
vehementer favent Canones, & Concilia
Cartaginense IV. Parisiense VI. &c. sicut
& sancti Patres Augustinus, Bernardus, &c.)
vel dicendum ipsos non esse dominos do-
minii absolute ab omni onere, sed dominio
vinculato, seu gravato onere impendendi
superflua in pauperes, seu alias pias caulas
(prout evincunt argumenta pro assertione
deducta) sive interim onus istud sit iustitia,
quale competit hæredi in hæreditatem, pīs
legatis à testatore gravatam; sive charitatis,
statutique Ecclesiastici, in allegatis Canoni-
bus, & Conciliis expressi, de quo potest.

Objicies 2°. Si hoc ita esset, restitutio-
nis lege tenerentur Clerici, superflua bene-
ficiorum suorum expidentes in usus non

pios, v. g. in consanguineos non pauperes, in luxum, vel voluptatem, &c. At hæc plerique negant, ipsiusque favere videtur S. Thomas in verbis n. 296. laudatis.

Respondeo verè ad restitutionem teneri Clericos, qui redditus Ecclesiæ in usus vel illicitis vel profanos, v. g. in meretrices, histriones, canes, equos superfluos, ludos, immoderata convivia, consanguineos ditantes expendunt. Ita S. Raymundus in Summa l. II. tit. de Raptori. §. 8. S. Antoninus tertia parte Summæ tit. 15. c. I. §. 19. Petrus de Palude apud ipsum, dicens id magis consonare dictis Sanctorum, & Juri Canonico. Panormitanus in cap. cum secundum extr. de præbend. Alvarus Pelagius, Joannis XXII. Peccnitentarius, l. II. de planctu Ecclesiæ c. 28. Major (dicens neminem Doctorum, ante fē mortuum, contrarium docuisse.) Navarrus (afferens communem esse opinionem omnium Canonicistarum.) Cajetanus, Petrus Soto, aliqui gravissimi Doctores.

³⁰³ Et probatur 1°. quia Clerici non sunt domini bonorum ecclesiasticorum, quæ superfluent decenti ipsorum sustentationi, vel saltem eorum non habent dominium absolutum, sed vinculatum, ut proximè dixi; adeoque ex intentione Ecclesia & Fundatorum onerata sunt, ut scilicet in pauperes, seu alias pias causas expendantur. Igitur ad restitutionem tenentur, si in profanos vel illicitos usus, vel in consanguineos non pauperes dispergantur.

³⁰⁴ Antecedens probatur ex sacris Canonibus, communique traditione Sanctorum, scilicet Urbani Papæ & Martyris suprà relati. Qui & videri potest cap. videntes 12. q. I.

Post ipsum S. Basilius ad Julian. Apofat. Reditus mei hi sunt: unus ager, decem olea, decem alvei, una mola, dominus una, 40. oves, octo palmae, tres faci, parvus horreus, quorum ego me dominum non censeo, sed dispensatorem: cum mihi incumbat eorum cura, ut inde pauperes aliantur. Hic status noster tam est arctus, ut si fors quispiam Sacerdotum ea sibi reservet, aut in malos usus expendat, aequalis penam mereatur, ac qui dilapidat, & qui de altari furatur. De altari furamus, quidquid pauperibus negamus. S. Hieronymus in c. 3. Iaiæ: Rapina pauperum in manu Sacerdotum, qui Ecclesia opes sibi thesaurizant, & in deliciis abutuntur, que ad sustentationem pauperum dantur, & sibi reservant, vel propinquis distribuunt. Quoniam (ut ait epist. ad Damas.) quidquid habent Clerici, pauperum est. S. Augustinus epist. 185. alias 50. ad Makedon. de bonis Ecclesiæ loquens: Pauperum (inquit) procurationem gerimus, non proprietatem.... vendicamus.

Alexander III. c. 2. de donat. Cum Episcopus ecclesiasticarum rerum sit procurator, non dominus.

Bernardus Serm. 23. in Cant. Ministri

Ecclesia, qui stipendiiorum superflua, quibus enim sustentandi forent.... sibi retinent, duplice peccant iniquitate, quod & alieno diripiunt, & sacrif. in suis vanitibus & turpitudinibus abutuntur.

S. Thomas 2. 2. q. 100. a. 1. ad 7. Quamvis res Ecclesia sint Papa, ut principalis dispensatoris; non tamen sunt eius ut domini & possessoris. Et q. 185. a. 7. Ecclesiasticorum bonorum Clerici sunt tanum dispensatores vel procuratores. Quodlib. 6. a. 12. Bonorum ecclesiasticorum Clerici non sunt verè domini, sed dispensatores. Idem docet S. Petrus Damiani opusc. 27. c. 1. per totum. S. Laurentius Justinianus l. de compunct. & complanctu Christi, perfect. O quanta abuso, Christi ditari divitiae, & Christo nihil velle tradere. Nonne thesauri Christi sunt facultates Ecclesia? Unde temporalia sunt Ecclesiis prærogata, nonne propter Christum? Nonne ut Christi pauperibus erogantur? Noli igitur tu, qui presides, retinere quod alienum est, ne farci deprehendaris in causa.

Germon to. 2. de temper. & vest. Prælat. Quid sum viri Ecclesiastici, nisi quidam eleemosynarii bonorum ecclesiasticorum, & ipsorum quidem non domini, sed dispensatores?

Ex his Christianus Lupus, Doctor L. 305 vaniensis, in notis ad can. 15. Concilii 8. sic concludit: Ecclesiastica bona, non solum ad Clericos, sed etiam ad captivos, peregrinos, orphanos, viduas, quosvis pauperes, stricto & a quo proportionis iure pertinere, est lucidum dogma Apostolorum, omnium SS. Parrum, cunctarum sub celo Ecclesiarum.... Omnis antiqua Christianitas uno ore clamat, ecclesiastica substantia.... pravos dispensatores Episcopos, esse fures, latrones, &c.

Idem ante ipsum concluserat Joannes 306 Driedo, Doctor & ipse Lovaniensis, de libert. Christi. l. 2. a. 4. his verbis: Verè existimandum est omnia ecclesiastica bona, supra decentem & honestum statum Episcopo condécentem longè superflua, esse relicta illi, ut patri & provisori pauperum, & ad reparandas fabricas, templis, domosque, & alia que sunt necessaria in conservanda Ecclesia bonis. Et ideo Episcopi, Abates, caterique Pralati Ecclesiastici, ex his usum modi bonis superfluis (pauperibus, aut fabricis debitis) prodigè exponentes, gravissime peccant, & juxta omnium SS. Patrum sententiam, rapinam committunt, & sacrilegium, & tenentur restituere ex suis patrimonio quidquid sic prodigè expenderint.

Si nec Doctores istos, nec Paludanum, 307 Majorem, Cajetanum, Navarrum, Petrum Soto, nec S. Raymundum, & S. Antonium, idem expresè concludentes, audire libeat, audiatut saltem Concilium Mediolanense I. sub S. Carolo Borromæo tit. 63. in quo post verba n. 298. in fine laudata, immediatè habentur sequentia: "Quare" cavendum est, ne cupiditate prolapsi, "dum vel propriis, vel propinquorum, vel "

„familiarium divitiis & honoribus studemus,
 „quæ Deo dicata sunt bona, & Ecclesiæ de-
 „trimento, & pauperum gemitu, & bonorum
 „offensione, ad aliorum usum convertamus.
 „Itaque nos sacrorum Canonum, & sancto-
 „rum Patrum auctoritatè innixi, atque iis in-
 „ducti, quæ sacra Tridentina Synodus de
 „officio administrandi bona ecclesiastica signi-
 „ficavit, eos omnes qui ea obtinent vehemen-
 „ter monemus, ut munericui memores, hæc
 „quæ sequuntur diligentissime praestent Epis-
 „copi, Abbates, Prepositi, Parochi, ac cæte-
 „ri omnes..... beneficia ecclesiastica, etiam
 „simplicia..... obtinentes, omni diligentia
 „cognoscere studeant, quibus oneribus.... ex
 „bonorum ecclesiasticorum natura.... subja-
 „ceant, illisque integrè satisfaciant. Quod si
 „facere omiserint, sed eos fructus sibi vendi-
 „care, vel ad alios transferre ausi fuerint,
 „vel in quem debent usum „ (in Ecclesiæ
 „utique reficiendas, vel ornandas, vel paupe-
 „res sustentandos, uti citato n. 298. dixit) „
 „non impenderint, se ex sacris Canonibus
 „& sanctorum Patrum sententia sacrilegiū reos
 „esse intelligent, & eorum omnium necessa-
 „riā restitutione teneri; neque ullā omnino,
 „etiam immemorabili consuetudine exculari.
 „Noverint etiam ii, ad quos scientes hujus-
 „modi fructus, vel aliquod ex illis commo-
 „dum quovis nomine pervenerit, se cädem re-
 „stitutionis lege teneri. Ii verò, qui Eccle-
 „sias & beneficia quaecumque obtinent, quo-
 „rum fructus ad eos, tamquam divinorum ob-
 „sequiorum ministros, honestè sustentandos
 „propriè sunt attributi, si ubiores sint,
 „quam ad tuendam vitam, conditionis que
 „sue rationem requiratur; dubitare non de-
 „bent, ad hunc finem hanc copiam illis esse at-
 „tributam, ut, præter ea quæ ad vietum &
 „cultum corum satis essent, suppeterent etiam,
 „quibus divini cultus ornatus ac splendor
 „conservaretur, & pauperum inopia & indi-
 „gentia sublevaretur; quemadmodum etiam
 „Deus plerosque divitis cumulat, ut amicos
 „sibi faciant, à quibus, cùm defecerint, in æ-
 „terna recipientur tabernacula. Quamobrem
 „per viscera misericordia Jeſu Christi obe-
 „stamur, atque monemus, ut meminerint ea
 „bona non esse sibi credita ad luxum, neque
 „ad augendos consanguineos, sed ad vitam
 „honestè, ut fidelem Dei ministrum, & pietati
 „Christianæ Magistrum decet, traducen-
 „dam; ex eo vero quod supererit, si necessaria
 „pauperibus alimenta denegarint, intelli-
 „gant se, quos non paverint, occidisse, atque
 „(præter suprà affertam restitutionis obliga-
 „tionem) „ ob violatam sanctissimæ chari-
 „tatis legem, mortale peccatum commisisse:
 „quo sibi iram in die iræ thesaurizaverunt.
 „Hisce omnibus accedit & ratio, quod nul-
 „lo titulo Clerici superflua beneficiorum suo-
 „rum in profanos usus, vel in consanguineos,
 „non pauperes, distrahere possint, cùm eorum
 „domini non sint, ut satis est demonstratum

ex sacris Canonibus, Concilii & Patribus;
 ex quibus constat bona illa, ex sua institu-
 tione, stricto jure esse res Dei, patrimonium
 que Crucifixi, sive (ut Concilium Burdigala-
 lense anni 1583. c. 26. loquitur) peculum
 Christi, Episcopis, Sacerdotibus & Clericis,
 cùm ad honestum eorum vitæ subsidium,
 & spiritualis sumptum ministerii, tū ad pauperum alimentum atque sustentationem
 tradita. Igitur eorum in alios usus distractio
 injusta est, restitutioni proinde obnoxia.
 Per confequens Molina Carthusianus de Sa-
 cerdotio tr. 2. c. 15. in fine rectè scripsit;
 se vehementer timere, multos esse Eccle-
 siasticos, qui aeternis torquentur suppliciis,
 quia veram hanc doctrinam fecuti non sint,
 sive per veritatem ignorariam, quam scire te-
 nebantur, sive per negligentiam; cùm sci-
 rent, opere tamen implere noluerint; & fin-
 gulis horum applicari potest: *Nolunt intelligere, ut bene agere.*

Instabis: S. Thomas utroque loco n. 309
 245. relato contrarium sentire videtur. Re-
 spondeo cum S. Antonino, Cajetano, Petro
 Soto, Natale Alexandro, S. Thomam nullo modo contrarium sentire: cùm utroque
 loco expressè dicat, Episcopos & Clericos
 Ecclesiasticorum bonorum non esse domi-
 nos, sed tantum dispensatores. Atqui dis-
 pensator alienorum bonorum contra iusti-
 tam peccat, malâ fide administrando bo-
 na, bonæ fidei ipsius commissa. Uroque
 verò loco illo dicit, Episcopos & Clericos
 malâ fide bona sibi commissa administrare;
 si vel ex portione pauperum aliquid in usus
 fuos convertant, vel (si portio pauperum
 à portione Episcopi & Clericorum divisa
 non sit) aliquid notabiliter plus in usus fuos
 convertant, quam opórtet. Quia (inquit)
*multus excessus non potest latere, & ita non po-
 test cum bona fide dispensator hoc agi. Et ita
 mortaliter peccat.* Dum autem S. Doctor
 addit, ipsos non teneri ad restitutionem, sed
 solum ad pœnitentiam, si de his que sunt
 specialiter suo usui deputata, plus retineant
 quam oportet ad honestam suam susten-
 tationem, pro qualitate ministrorum, & mi-
 nisterii sui; certum est ex contextu, quod
 id dicat de Ecclesiasticis bonis in quatuor
 partes divisis, iuxta can. de redditibus Eccle-
 sia 12. q. 2. scilicet in partem Episcopi, in
 partem ministrorum Ecclesiæ, in fabricam
 & cultum Ecclesiæ, & in alimoniam pau-
 perum. Quâ divisione suppositâ, videtur
 S. Thomas in ea esse sententia, quod Epis-
 copus possit de parte suo usui deputata di-
 ponere, velut de propriis bonis, cùm dicit:
*De his autem quæ sunt specialiter suo usui
 deputata, videtur esse eadem ratio, que est de
 propriis bonis.* Verum quia non appetat in
 bonis & censibus Ecclesiastum, quomodo
 fuerit quarta pars relicta pauperibus (ait
 Petrus Soto de vita Sacerdot. lœct. 3.) etiam
 si forte inveniantur hospitales domus ex ali-
 quorum

quorum ministrorum misericordia ædificata, cum sumptibus & redditibus in pauperum usus. Non apparet etiam, quod distritio illa juxta antiquam Ecclesiæ regulam facta fuerit (non enim volebant antiqua iura minus dari pauperibus ex redditibus Ecclesiæ, servata proportione, quam ipsis Episcopis.) Nulla ratione videtur satisfactum pauperibus, nisi cum reliqua partes oneratae manent eleemosynâ necessariâ, ut minimè juxta necessitatem pauperum, & propriam facultatem. Unde fatetur S. Thomas suprà dicto loco ad 2. quid est de his que deputata sunt usui ministri, posse aliquid sibi subirabere, & consanguineis dare, ut non indigeant; id tamen non permittit, ut ditiones inde sint. Per consequens non permittit ipsis dare, nisi velut indigentibus, ut nec S. Ambrosius in libro de officiis, in quo se fundat. Dicit enim Ambrosius: *Hac est approbada libertas, ut proximos semenis tui non despicias, si egero cognoscas; non tamen ut illos ditiones fieri velis, ex eo quod tu pores conferre inopibus.* Ditare namque consanguineos ex bonis ecclesiasticis, alienum est à natura bonorum illorum (prosequitur Soto.) Unde S. Doctor addit loco citato non posse ministrum, qui patrimonialis bona habet, ex redditibus Ecclesia vivere, in necessitate vel captivorum, vel pauperum. *Ubi vero nulla est necessitas, posset, etiam patrimonium habens, ex Ecclesia bonis vivere....* Denique asserit eodem loco B. Thomas, nec thesaurizare Ecclesiæ ipsi, nec ejus facultates augere posse quempiam, quando sunt qui egent. Semper autem sunt: quia semper pauperes habentis vobis sum. Quodlibeto vero 6. a. 12. ad 4. dicit, quod neque moderatus usus divitiarum, neque bona fides dispensatorum salveri videtur in eo qui scienter superflua expensas facit in voluptuosis convivis, & aliis hujusmodi superfluitatibus. Et sic non dubium, quod in talibus peccat mortaliter, non solum contra moderatum divitiarum usum, sed etiam contra bonam fidem dispensatoris; adeoque contra iustitiam. Neque enim bona fides dispensatoris salvatur, dum scienter expendit pecuniam ecclesiasticam in iis in quibus expendenda non est. Ecclesiastica vero pecunia solum expendenda est in duabus; primo quidem in his quae pertinent ad cultum divinum, deinde vero in his quae pertinent ad pauperum sustentationem. Lect. 5. super cap. 3. in Joan.

310 Ex his omnibus manifestum videtur, Episcopum, & alium quemlibet beneficium, teneri ad restitutionem, non solum eorum, quae in suis usus impedit ex parte specialiter deputata pauperibus, vel fabricæ, ubi divisio facta esset in quatuor partes, ut suprà, sed & quantitatem, quam in usus superfluos, vel profanos, expendit de parte sibi specialiter deputata, si quantitas illa notabiliter superet eam, quae satis est ad ho-

nestam suam sustentationem (pro qualitate ministri & ministerii) si facta non sit divisione bonorum ecclesiasticorum, vel facta sit, non designata pauperibus suâ parte. Cum enim reliqua partes tunc maneat oneratae eleemosynis pauperum; tunc maximè procedit quod (ex mente S. Thomæ) Cajetanus 2. 2. ad citatam q. 185. ait, reditus manifestè excedentes honestam ministri sustentationem, ipsius bona fidei commissos esse, ad finem dispensandi eos in pauperes, id exigente naturâ, seu primævâ institutione bonorum ecclesiasticorum, ut etiam Petrus Soto observat loco citato, posteaquam expressè declaraverat: *Nos vero sequemur B. Thomam, &c.* Enimvero cum S. Thomas expressè doceat, Ecclesiasticos non esse dominos absolutos ecclesiasticorum bonorum, sed dispensatores, tenerique ad restitutionem eorum quæ expendunt ex portione destinata fabricæ, ministris vel pauperibus: casu quo in divisione nulla portio specialiter destinata fuerit pauperibus, necesse est quod reliqua partes gravatae manent onere subveniendi pauperibus: nam (ut ait quodlib. 6. a. 12. ad 3.) secundum Canonem debent dividi hoc modo, ut aliqua pars cedat in usus pauperum; nec id rationabilius intelligi potest, quam sic ut ea faltem quantitas, quæ notabiliter excedit eam quæ convenienti ministrorum sustentationi necessaria est, isto onere gravata sit; nec proinde ministri illius habeant dominium absolutum ab omni onere, sed ad summum dominium gravatum onere proxime dicto. Et sic intellectus S. Thomas secum, & cum sacris Canonibus, sanctisque Patribus consonat; à quibus aliqui dissonaret, nec fibimetipisci concors esset, nec rationi, quæ docet, Authoris divisionis bonorum ecclesiasticorum, mutare non potuisse natum istorum bonorum, nec à suo ea onere eximere, quo ex natura sua, seu primævâ institutione facta sunt peculium Christi, pauperumque patrimonia, sicut & ministrorum alimenta, fabricarumque intentiones; per consequens non potuisse ea integrè applicare ad ultimum unius partis, vel duarum, aut trium, cum præjudicio partis pauperum; quorum proinde pars, si ipsis specialiter designata fuerit, iustitia dictat, ex aliis partibus repetendam esse, & maximè ex ea quantitate, quæ alicui carum notabiliter superflua est. Quam proinde qui vel sibi reservant, vel superflue expendunt, ad restitutionem tenentur, perinde ac si retinerent sibi, vel expenderent aliquid de parte fabricæ, vel aliorum ministrorum. Haec fusiù prosequi necesse fuit, ne tantus Doctor contra id quod n. 300. dixi sentire videretur. Unde (præter dicta) 2. 2. q. 119. a. 11. ad 1. Clerici (inquit) qui sunt dispensatores bonorum Ecclesiæ, quæ sunt pauperum, eos defraudant, prodigie ea expendendo,

311 Instabis 2º. sequeretur ex dictis, quod si beneficiati superflua illa expendissent in metretices, collusores, consanguineos, &c. ista ea restituere tenerentur; utpote stricto jure debita pauperibus: iustè proinde ipsis collata.

Respondeo (cum S. Raymundo & S. Antonino ubi suprā) omnino debere restituere, non illi qui turpiter dedit (ait S. Antoninus) sed auctoritate Superioris convertere in utilitatem illius Ecclesiae, vel pauperibus erogare. Quod postremum fieri debet, ubi pauperibus assignata non est sua portio.

312 Instabis 3º. sequeretur Clericum, qui habet patrimonium sufficiens ad honestam suam sustentationem, tutā conscientiā vivere non posse ex parte reddituum ecclesiasticorum sibi deputata.

Concedit hanc sequelam Illustrissimus Author Theologiae Moralis Gratianopolitanae to. 2. tr. 1. c. 9. se fundans in can. Clericos 1. q. 2. ubi ex S. Hieronymo sic habetur: Clericos autem illos convenit Ecclesia stipendiis sustentari, quibus parentum nulla suffragantur bona. Qui autem bonis parentum, & opibus suis sustentari possunt, si, quod pauperum est, accipiunt, sacrilegium profecto committunt, & per abusum talium, judicium sibi manducant & bibunt. Idem sentire videatur S. Prosper, vel potius Julianus Pomerius, citatus can. paſtor ibidem. Et S. Augustinus, relatus cap. fin. 12. q. 1. Ad idem facit cap. illi & cap. ex his ibidem, & cap. Sacerdos 1. q. 2. Concilium quoque Aquisgranense anni 816, reg. 107. dicit: Illi qui sua possidentes, dari sibi aliquid volum, non sine grandi peccato suo, unde pauper vietur erat, accipunt. Et Concilium Antiochenum anni 341. can. 25. Episcopus ecclesiasticarum rerum habeat potestatem.... participet autem & ipse quibus indiget, si tamen indiget.

313 Contraria quidem sententiam, velut indubitatam, à Doctoribusque omnibus traditam, amplectitur Prosper Fagnanus in 1. p. libri 3. Decretal. ad cap. si quis sane de pecul. Cleric. Sed revera non est indubitata, nec Doctorum omnium: cùm sit non solum Illustrissimi D. Geneti Vaisonensis Episcopi, & Eminentissimi Cardinalis Le Camus, Episcopi Gratianopolitani, qui Theologiam Moralem ipsius adoptavit, sed & Dionysii Carthusiani de vita Canon. a. 24. Adriani VI. in 4. de Sacram. Poenit. Alexandri de Ales (apud ipsum) Van Espen in suo tract. Historico-Canonico p. 3. c. 3. §. 4. Et ex parte Steyartii in Appendice ad Commentaria Joannis Wigers de jure & just. q. 4. Huygenii in doctissimis observationibus suis de justit. c. 12. ubi sic ait: Clericus sacris & profanis pradius vivere potest ex iuris que, id est ex bonis Ecclesie, & proveniis patrimonii; ita ut quod iurisque superfluit, ad sustentationem pauperum, alioisque pios usus expendat.

Enimvero, ut recipi possit Fagnani sententia, „quibusdam limitationibus restringi debet (inquit Steyartius) non enim eo pro roganda licentia, ut qui patrimonium habent, & insuper beneficium, turpi & for disā avaritiā impenam omnem sumentes ex beneficio, reliquum ad usus profanos expendant, vel ad augendos aliquando propinquos, vel haeredes, relinquant. Certum est, hoc turpissimum fore, & ab officio hominis Ecclesiastici prorsus alienum. Igitur clericus utriusque bonis, sacris & profanis prae ditus, cum gratiarum actione sacris utetur ad sustentationem, sic ut quod de iis superfluit, ad usus pios expendat. Tum quandoque quidem cæteri proventus ci sunt futuri omnes superflui, liberalissime de illis quoque eleemosynas faciet.“ Ita Steyartius, bene quidem; sed melius cum Huygenio dixisset, proventus omnes patrimonii, iuxta Scripturam & Patres, pauperibus erogandos: utpote omnes superfluos. Fatetur ergo Clericis altario servientibus licitum esse de altario vivere, vel totaliter (si indigent), vel ex parte, si ex patrimonio divites sint. Inde posse convenientis sustentationis suæ impenam omnem ex beneficio sumere. Dummodo id quod ex utroque superfluit, in usus profanos non expendant, nec ex turpi sordidaque avaritia, officio Clericali indigna, divitibus propinquos, seu haeredibus augendis non reservent. Id enim ipsis licitum non esse, ut minus probant authoritates n. 311. allegatae. Probat & generale juris naturalis principium, cui nulla humana consuetudo potest derogare, quod utique bona, Deo & Ecclesie à fidelibus oblata, ad eos fines expendenda sunt, ad quos ea fideles Deo dicarunt, impendique voluerunt. Atqui certum est, ea Deo non dicasse, nec donasse, ut in vanos ac superfluos usus expenderentur, sed ut cum Dei timore, omniisque religione, in Dei obsequium, Episcopi utique & Clericorum, Ecclesie servientium, decentem sustentationem, templique fabricam, & necessitates pauperum distribuerentur. Ista fuit natura bonorum ecclesiasticorum ante eorum divisionem. Ista quoque manuit eorum natura post divisionem: utpote qua eorum naturam non mutavit, nec ullâ lege probari potest mutasse. Si eorum naturam non mutavit, in eosdem certissimè fines expendenda sunt post divisionem ac ante. Fatetur vero Fagnanus, ante divisionem (qua facta fuit sub initium vel medium saeculi quinti, prout ex epistolis Summorum Pontificum Simplicii & Gelasii ostenditur) tales fuissent eorum naturam, ut Episcopis & Clericis non licaret ex solis ecclesiasticis bonis vivere, si ex patrimonio divites fuissent, nisi saltem hoc compensassent, superflua patrimonii in pauperes erogando. Igitur nec hoc licet post divisionem. Et ideo adhuc hodie, si de altario vivere velint (uti pos sunt)

sunt) saltē hoc compensare debent, patrī monii superflua Deo in persona pauperum largiendo, ut saltē hoc modo æquivalenter obtineantur dicti fines, verificanturque sanctorum Patrum sententiae ac Canones. Quibus profectō non derogavit Tridentinum, nec Jus Canonicum, dum insinuavit, Clericos ecclesiasticorum bonorum fructus facere suos, sive eorum acquirere dominium. Quia fructus facere suos, eorumque acquirere dominium, ad sensū Juris Canonici, & Tridentini, nihil aliud est, nisi habere potestatem applicandi fructus ad suos usus, falsi salvandis ut suprā: non est proinde eorum habere dominium absolutum, sed ad summum vinculum, nec potestatem disponendi de illis ad omnem usum, sed ad dictos fines dumtaxat. Quod si rectē expenderetur, servareturque, non tam multi in Ecclesia munia malè intrarent, nec Clerici divites, imò nec divites Laici felices prædicarentur, sicut eos prædictū mundus: cum in magnis versentur periculis, si divitas suas secundūm Evangelium non impendant.

314 Objicīs 3°. Donatio quantitatis notabiliter excedentis eam, quæ necessaria est ad honestam Clerici sustentationem, ab ipso facta, etiam per ultimam voluntatem, est valida, etiam si facta sit consanguineis, non pauperibus. Ergo quantitas illa stricto jure non est pauperum.

Respondeo esse validam coram hominibus, & in foro externo; sed in foro interno, & coram Deo, non sic esse validam, ut donatarius in quantitatē illam acquirat dominium absolutum ab onere eam restituendi pauperibus. Quia, ut benē Cabassutius in Juris Canonici Theoria & Praxi l. 2. c. 24. quæ fuerunt onera & obligationes reales defuncti, transeunt ad haeredes, & in ejusmodi, defunctus & haeres una eademque persona censemuntur; idemque jus subire compelluntur cap. is qui de reg. jur. in 6. Et L. qui in jus ff. cod. Et unaquæque res ad quemcumque transit, transit cum suo onere cap. ex litteris de pignor. Et L. si debitor c. de distract. pignor. Et L. alienatio ff. de contrah. empt. Atqui Ecclesiæ redditibus, tamquam Dei rebus, ex natura sua, primæaque institutione, annexa est realis obligatio, ut in pios usus impendantur, quorum unus est sustentatio pauperum, ut in superioribus est demonstratum. Igitur ad quemcumque transeunt, cum isto transeunt onere: quia videlicet transeunt secundūm quod sunt, tamquam utique Dei res, tamquam pretia peccatorum, tamquam Crucifixi & pauperum patrimonium.

315 Objicīs 4°. Clericis faverit consuetudo Ecclesiæ bona, usibus ipsorum deputata, in quoscumque usus, etiam profanos, impendi, etiam quantitatem honestas sua sustentationi superfluam. Quam sequendo si

Tom. II.

securi non essent in conscientia, pars magna ipsorum certō damnaretur.

Respondeo consuetudinem illam non excusare, cum manifesta sit corruptela: utpote sacris Canonibus, sanctis Patribus, rectae que rationi manifestē contraria; ab iis proinde fugienda, qui animas suas salvare volunt, juxta illud Clementis Alexandrini in oratione adhortat. ad Gent. *Fugiamus consuetudinem, fugiamus tamquam scopulum difficultem, aut charybdis minas, aut fabulosas syrenes: suffocat hominem, à veritate avertit, abducit à via. Est laqueus, est barathrum, est malum ventilabrum consuetudo.* Rationem dat Concilium Sueffonense III. anni 866. quia mala consuetudo, quæ non minus quam perniciosa corruptela vitanda est, nisi citius radicibus evellatur, in privilegiorum ius ab improbis assumitur, & incipiunt prævarications, & varia presumptiones, celerrimè non compressæ, pro legibus venerari, & privilegiorum more perpetuo celebrari. Et ideo Concilium Mediolanense n. 306. laudatum declarat, beneficiatos teneri satisfacere oneribus, quibus bona ecclesiastica ex natura sua, iuxta sacros Canones, & sanctorum Patrum sententiam, subjacent. Alias sacrilegii crimen, & restitutionis obligacionem incurre, si ad alios usus ea expenderint; neque ullā omnino, etiam immemorabili consuetudine excusari.

Objicīs 5°. Consuetudinem illam tolerare, & tolerando probare videtur Ecclesia.

Respondeo id à veritate prorsus alienum esse: cum, eā consuetudine non obstante, sanctorum Canonum ordinationē renovarit Concilium Tridentinum, sicut & Concilium Mediolanense proximē citatum. Enimvero cum sit sacris Canonibus inimica, à nobis non approbatur, licet præ multitudine delinquentium à nobis emendari non posset, inquit Alexander III. cap. cum non ignores de præbend. Qui etiam cap. cum jam audire eod. titulo ait: *Multa per patientiam tolerantur, quæ, si deducta fuerint in judicium, exigente iustitiā à nobis non debeant tolerari.*

Objicīs 6°. Multorum Authorum opinio est, beneficiatos ex sola charitate teneri sufficiuta in pios usus erogare.

Respondeo opinioni illi contrariam, ex 317 facis Canonibus, Patribus, ratione, & præcipuis Doctoribus probatam, prævalere. Sed quidquid de eo sit, rectē Bellarminus monet, perinde esse, sive ex defectu charitatis, sive ex defectu iustitia, beneficiati ad inferna descendat.

Objicīs 7°. Authores non decelle, qui 318 charitatis ad hoc obligationem negant.

Respondet Dionysius Carthusianus ubi suprā, sanctorum Patrum sententias staris securius, quam aliorum alter opinantium. Quorum opinio probabilis non est, nec secura, utpote divinæ Scripturæ, sacris Canonibus, & sanctis Patribus manifestē contraria. Et idem dicendum 1°. de opinione

Mm

Hurtadi de Mendoza apud Dianam p. 5. tr. 8. reol. 37. aientis, Episcopum habentem annuorum reddituum 30. millia, si decem millia in opera pia distribuat, posse de alius 20. millibus abunde communicare consanguineis, absque ullo scrupulo. Hoc enim non solum Episcopis, & quibuscumque beneficiatis, sed ipsi quoque Cardinalibus omnino interdicit Tridentinum fess. 25. c. 1. de reformat. *Cum & Apostolorum Canones prohibeant (inquit) ne res ecclesiasticas, quae Dei sunt, consanguineis donent....* Imo, quam maxime potest, eos sancta Synodus monet, ut omnem humanum hunc erga fratres, nepues, propinquosque carnis officium, unde multorum malorum in Ecclesia seminarium exzat, penitus deponant.

319 Idem censco de opinione Sanchez & Escobarii, qui tr. 5. exam. 5. c. 5. in praxi sic habet: *Lucrantur Clerici ratione alicujus ministerii, v. g. pro Missis dicendis, concionibus, comitandis defunctis, administrandis Sacramentis, &c. tenentur de iis, ut de superfluis, eleemosynam facere?* Ex Sanchez doctrina afferro non teneri, etiam ad illa ministeria ratione officii obligarentur. Quia quasi patrimonialia bona reputantur. Nihil quippe ex ministeriis illis mercedis loco sperare possunt; sed stipendium vita dumtaxat. Cum nihil aliud ministris Evangelii Paulus accipere permittat, nisi ex altari victim & amictum, & quisquis sibi ex facris ministeriis temporalem mercedem ultra necessaria stipendia ad vitam, pro personae modo ex christiana disciplina decenter obeundam, exigit, ministerium suum dedecorat, simoniacumque animum gerit. Vendit enim ministeria illa, dum temporale aliquid ex iis per modum mercedis exigit, contra id quod S. Augustinus l. de Pastoribus ait: *Accipiant sufficiationem necessitatis à populo, mercedem dispensationis à Domino.... Non expellet illi mercedem, nisi & isti salutem.* Et Julianus Pomerius l. 2. de vit. contemplat. c. 10. *Qui Ecclesia servium, & labore suo velut debita reddi oportere credentes, ea quibus opus non habent, aut accipiunt liberter, aut exigunt, nimis carnaliter sapiunt, si putant quod Ecclesia fideliter servientes, stipendia (id est præmia) terrena, ac non possum præmia aeterna percipient.... Unde satis indignum est, si fidelis & operosa devoio Clericorum, propter stipendium temporale, præmia sempiterna contemnat. Quod si quilibet minister Ecclesia non habeat unde vivat, non ei præmium reddat hic, sed ei necessaria prestat Ecclesia, ut in futuro præmium laboris sui recipiat.*

320 Eandem ob rationem prorsus improbanda est alia opinio, quæ Sanchez Consil. Moral. l. 2. c. 2. dif. 38. n. 16. dicit, quod si Clericus dignissimâ sui laboris & industria, impenie in Ecclesia regimine, mercede plus meretur, quam ad decentem suam sufficiationem opus sit (ut si, ultra debitum, exercet in sua Ec-

clesia munera, quæ stipendium merentur, ut prædicare, audiare confessiones, &c.) potest ex superfluo redditum deducere aliquam quantitatem, quam plus suo labore meretr, & de illa perinde disponere ac de bonis patrimonialibus.... Quia dignus est mercenarius mercede sua. Illud enim plus (decenti sue iustificationis superfluum) sibi retinendo, non velut vitæ stipendium, sed sicut mercedem, de eaque ut tali disponendo perinde ac de patrimonio, simoniacus est, saltet mente, ut probatum est.

Nec magis probanda est alia opinio, quæ ibidem D. 43. dicit, *probabilis est, ea qua Clerici, fraudantes genum suum, corraserint, posse sicut bona patrimonialia dispondere.* Tum quia docet parcè & frugaliter vivere, non propter Christum, sed propter facultum, videlicet ad consanguineos ditandos. Tum quia sacra ministeria avaritiae labore polluit. Et idè S. Thomas 2. 2. q. 185. a. 7. ad 2. cum S. Ambrosio Clericis permittit quidem, ea qua sibi subvixerint, consanguineis erogare, ut non indigeant; non autem ut dives inde fiant. Et S. Ambrosius (apud ipsum) *Est illa probanda liberalitas (inquit) ut proximos seminis tui non despicias, si ergo cognoscas.... Non tamen ut illi dives eo fieri velint, quod in potes conferre impensis.... Neque enim propterea te Domino dicasti, ut tuos divites facias, sed ut vitam tibi perpetnam fructu bona operis acquiras, & pro tanto miserationis peccata redimas tua, per eleemosynam utique.* Igitur bona illa sublevata, in eleemosynas impendenda esse docent Ambrosius & S. Thomas.

C A P U T XXXI.

Eleemosyna præcepto non satisfit, proximi necessitatim (dum simpliciter est pauper) sublevando per mutuum.

321 Robatur, quia mutuum propriè non est eleemosyna. Præcepto verò eleemosynæ non satisfit, nisi per eleemosynam propriè dictam, de qua intelligendum est præceptum illud, tot sacræ oraculis expressum: utpote quæ propriè, non figuratè exponenda sunt, secundum regulam generalem exponendi oracula sacra.

Et confirmatur 1°. quia iisdem oraculis 322 eleemosynæ præceptum accuratè distinguitur à præcepto dandi mutuum. Illud enim sic exprimitur: *Quod superest, date eleemosynam;* itud vero sic: *Date mutuum, nihil inde sperantes.*

2°. quia si mutuum foret eleemosyna, diverses censerentur eleemosynam petere, dum mutuum petunt. Quod alienum est à communione omnium sensu.

Nec refert, quod eleemosynæ finis sit 323 sublevatio necessitatis proximi: hæc verò per mutuum sublevetur. Ncque enim sub-